

■ PLAID PER LA DUMENGLIA

Dieus ei bab e mumma

DA SUR MARCUS FLURY, GLION

Nus essan endisai cun in maletg da Diu masculin: Il Diu, il Tutpussent, il Scaffider, il Bab, il pastur, il retg, il derschader. Egl art ei Dieus per ordinari vegnius malegiaus sco um. Era Jesus ha adina plidau da siu Bab en tschiel ed el ha mussau a nus da dir a Diu: Abba, ti bab. Abba, il plaid ch'igl affon drova per clamar il bab.

Sche nus dein in sguard ella bibla anflein nus leu era auters maletgs per Diu. Entras il profet Jesaja per exempel di Dieus a siu pievel ch'ei en sclaveria: «Sco ina mumma consolescha siu affon, aschia consoleschel jeu vus» (Jes 66, 13). In pievel che sesenteva totalmei bandunau da Diu astga udir quels plaids. Dieus vegn cheu descrets sco ina mumma che pren siu affon en bratsch ni sin sia schanuglia nua ch'el sesenta bein.

Cumparegliazions san mai describer Diu cumpleinamein. Ellas ein adina mo emprovas che

san schar ressortir in u l'auter aspect da Diu. Gia il Veder Testament admonescha nus da buca far in maletg da Diu. El ei adina il tut auters. Tuttina ein cumparegliazion lubidas, oravontut cumparegliazions ch'ei pridas ord profundas experientschas da nus carstgauns.

Quei ch'il profet di, quei maletg ch'el drova, ha consequenzas era per nosa veta. Ils maletgs che indicheschon nosa relaziun cun Diu influenzeschon nos'entira veta. Il maletg da Diu che vegn implantaus egl affon accumpogna el duront sia veta. Leu nua che Dieus vegn surdruvas sco mied d'educaziun (vesas, quei ei uss il castitg da Diu...), ei Dieus era pli tard sco ina gronda umbriva sur ins, che tementa e ch'ins manegia da stuer pacificar entras sai jeu tgei prestaziuns religiusas.

En discors cun carstgauns stoi jeu enqualga smarvegliar tgei curios maletg da Diu ch'ei en els.

Igl ei in Diu che fa tema e ch'ins sa atnamein buca ver bugen ed il qual ins untgescha.

Nua ch'in carstgaun sesenta tier Diu sco sin la schanuglia dil bab ni dalla mumma stattan consolaziun e speranza, buontad e carezia el center da sia veta. Igl ei remarcabel e fa bein da leger co era papa Francestg accentuescha adina puspei che Dieus ei misericordei-vels, ch'el careza e consolescha, ch'el vul il bien dil carstgaun. Quei maletg da Diu vein nus d'intermediar. Igl ei denton buc in Diu bienatsch che siara ils egl e lai far nus tgei che nus lein. Sco buns geniturs tschenta era Dieus cunfins per che nus meien buca vias puleinas. Cun sia misericordia astgein nus denton adina quintar. Ella ei in segn da carezia che gida nus ad afflar la buna via. Il resultat vegn ad esser: Cristianes che radieschan buontad e beinvuglientscha e che intermedieschon cheutras in maletg positiv da Diu. Da quels ha nies temps da basegns.

■ NOVITADS WWW.RTR.CH

Dapli naschientschas en Svizra l'onn passà

3,1 dapli – betg uffants, pertschient. Ushè bleras naschientschas dapli ha quai dà l'onn passà en Svizra cumpareglia cun il 2014. En tut èn naschids 86 600 uffants. Cunzunt il dumber da naschientschas ordaifer la lètg è s'augmentà. L'onn passà èn s'augmentadas en Svizra las naschientschas, ils mortoris, ils divorzis sco era las renconuschientschas da

la paternitad. Sa sminuidas èn perencunter las maridaglias ed ils partenadis registrads. Quai communitescha l'Uffizi federal da statistica.

Il 2015 èn naschids en Svizra 86 600 uffants, 1300 dapli ch'il 2014. Malgrà ch'igl ha totalmain dà dapli naschientschas, n'han ils Svizzers para betg dapli gust da far pops: Il dumber da naschien-

tschas resta constant tar 1,5 uffants per dunna.

Per l'emprima giada dapli sis onns è era ils il dumber dals divorzis creschids. L'onn passà hai dà 17 000 divorzis. Maridaglias hai dà l'onn 2015 bunamain 42'000.

Quai tenor la comunicaziun da l'Uffizi federal da statistica.

■ CRUSCHERA DAL MAIS ZERCLADUR

ir plaunet, flunar part da l'auto	crescha en iert	chapitala da Burkina Faso	figura d'opera tar Mozart	med alcalic	in mais (tudestg) citad en l'Engalterra	sogn, doctor da la baselgia	negaziun	ordinar (tudestg)
10						organisaziun mundiala citad en Spagna		
tievi (tudestg) vanzadiras, rests			segn per meitnerium preposiziun	marclar, spluntar, batter		8		
9						nua (franzos) num arab per Jesus	actur irlandais	
ciudad en il Giapun				ant. presid. da l'USA citad en Nigeria		1		
aspects genetics emprest da la banca			District Plaun (num tudestg)	nitschola (franzos) tar (anglais)				
				lieu da ballape index da la bursa da NY				
			5			vaiva da Lennon scriver si	4	segn chemic per mangan
perdert, sabi, furber	curt per «Ur-kundenbuch» med narcotic		dumber roman 2	inizialas da Nelson nunlubi, illegal			ciudad en Germania	
emprenda sez	patratg mo a sasez chantun			astronaut american clav (franzos)				
6								
ricla (tudestg) organ				sora veglia (tirc)				
				a travers (tudestg)				
1	2	3	4	5	6	7	8	9

Schliaziun da la cruschera dals 3 da zercladur 2016

N	A	C	I	L	N							
K	I	L	O	G	R	A	M	A	T	O		
H	A	L	F	P	I	P	E	A	S	R		
I	D	E	A	R	O	B	I	N	S	O	N	
A	L	E	A	R	O	S	E	N	H	E	I	M
B	I	R	N	E	N	A	N	C	A	R	A	
S	D	R	L	N	A	T	B					
T	E	E	N	U	T	S	T	I	L	L		
D	R	E	A	M	I	T	A	L	I	A		
A	S	E	U	B	M	A	N	I	T	U		
T	R	I	P	P	A	P	M					
O	E	G	A	L	A							
F	R	A	N	C	O	F	O	N				
T	I	T	A	N	I	C	N	O				

■ FORUM

Las scalgias dil Parc Adula

Sco nus vein udiu ord la pressa va igl Uffeci federal digl ambient per dabia buca d'accord culla charta dil Parc Naziunal Adula, fravagada ensemen cun agid da tuttas sorts d'experts. Ella havess giu da mussar alla populaziun ch'ins sappi far en in parc naziunal quasi tgei ch'ins vegli e che en sia zona periferica midì ei lidinuot. En differentas seradas ei la populaziun vegnida envidada il november 2015 a «discussion aviarta» sco ei steva sigl invit. Quellas discussiuns ein denton stadas nuot auter che propaganda.

Ferton ch'ils da Vrin, che laian buca menar mo aschia davos la cazzola, vevan ferdau la puorla gia lu, haveva la serada da Mustér pariu da purtar pli bia fretg. Leu vevan ins empruau da dar da crer alla gliued che or dad in franc fetschi in parc naziunal tschun francs.

A Sumvitg ha ei lu dau il schaner in podium nua che era adversaris dil parc han astgau s'exprimer. Jon Peider Lemm che sa ord sias experientschas fatgas cul Parc naziunal dall'Engiadina tgei ch'in parc munta, ha visau a Sumvitg clar e bein sils scamonds e sillas restricziuns da tuttas sorts, ferton ch'ils experts dil Parc Adula han snegau quei. Tonaton han ils da Sumvitg viu che Lemm era in bien ton pli cartevels ch'ils giurists pagai da Parc Adula. Ina vuolta generala han denton las uniuns digl ambient dau cura ch'ellas han communicau ch'ei vegni segir a dar leschas e midadas, schiglioc duvrassi ei gie buc ina charta da 400 paginas. Suent ch'igl entir dossier ei ius a Berna tuna ei tenor la pressa era giu leu tuttina.

Effect: Las serias d'artechels dalla Uniun Pro Parc Adula ellas gasettas che empermettevan, sco da dir si in mantra, il blau giuda tschiel han abruptamein calau da cumparer. E tiels responsabels dil parc gronda consternaziun. Ussa ch'ei hagian gia luvrau vid quei project 15 onns e duvrau si 10 milliuns (LQ 14-6-16) reageschi Berna aschia? Quei haves-

sien ins buca spetgau. Fatg ei che era la confederaziun ha da setener vid la lescha, schiglioc duvrass ei gie buca quella. Ins dat ussa la cuolpa cumpleinamein a Berna, suenter ch'ins ha tratg 15 onns la paga e fatg lavur aschi nunprofessionala. Certs «experts» ein lu era vegni relaschai dad in di sin l'auter.

En caussa ha La Quotidiana (14-6-16) dumandau mo adherents e presidents pil Parc. Era quels ein trumpai dalla tenuta dalla administraziun federala enstagl da sedumandar co quellas banauas che han luvrau aschi ditg cun tonta ignoranza vid quei project duessen far funcziunar in parc naziunal ella realitad.

Tonaton manegian biars politichers da vischnaunca che nus cumprien tuttina aunc il november il gat el sac. «Ei va per fundar in parc naziunal per diesch onns.» Quei tric tula ualvess pli. Parcs naziunals per diesch onns ha ei aunc mai dau e vegn era mai a dar. Segir paran ils presidents da saver pil mument mo, che sche Vrin vess da votar oz, havessi in parc neginas schanzas. Il medem vala per Sumvitg, Val S. Pieder e per Blenio, che ha avon paucs meins mess presidenta ina dunna ch'ei encunter il parc. E Medel? Sch'in president da Medel vess per exempel cumbattiu che la casa da vegls resti culs vegls enta Medel, enstagl da semiar da far orda quella in hotel, havess el scaffiu enta Medel tontas piazzas da lavur sco igl entir Parc Adula porscha en 17 vischnauas. Ei fuss uras che era el calass da semiar d'hotels. Ils da Medel denton ein buca da penn e vegnan a saver per tgei ch'ei han da votar.

Co vinavon? Enstagl da tener la populaziun sil current ed esser aviarts vegn fatg la gatta morta e cuschentau tgei che vegn cuschinau ora cun Berna. Nus essan spagnegai tgei praulas che vegnan survidas vinavon per far gustar la tratga il di dalla votaziun.

Leo Tuor, Val Sumvitg

■ GRISCHUN

Christian Rathgeb president SwissDRG SA

(cc) Il cussegl d'administraziun da la SwissDRG SA ha elegi il president da la regenza Christian Rathgeb sco ses president. Il president da la regenza Rathgeb è dapi ils 31 d'october 2014 commember dal cussegl d'administraziun da la SwissDRG SA. Tenor la lescha federala davart l'assicuranza da malsaus (LAMal) è la SwissDRG SA cun sedia a Berna cumpetenta per elavurar, per sviluppar vinavant e per adattar il sistem da pauschalas pro cas da SwissDRG. Dapi il 1. da schaner 2012 vegnan indemnisads ils tractaments staziunars en ils ospitals tenor prestaziun tras pauschalas pro cas tut tenor la grevezza dal cas. Mintga dimora a l'ospital vegn attribuida a maun da tscherts criteris sco diagnosa principala, diagnosas secundaras, tractaments ed ulteriurs facturs, ad ina gruppa da cas e vegn indemnisada pauschalmain. Tenor la finamira dal cussegl d'administraziun

duain – a partir da l'onn 2018 – vegnir indemnisadas cun pauschalas che sa drizzan tenor la prestaziun er las dimoras staziunaras en las clinicas da rehabilitaziun ed en las clinicas psichiatricas.

Dal cussegl d'administraziun da la SwissDRG SA fan part represchentantas e represchentants da la Conferenza svizra da las directuras e dals directurs chantunals da sanadad, da H+ ils ospitals da la Svizra, da Santésuisse las assicuranzas svizras da malsaus, da la cumission per tariffas medicinalas LAA, da la AMil/AI e da la federaziun dals medis svizzers (FMH).

Il president da la regenza Christian Rathgeb remplazza en il presidi da la SwissDRG SA il schef da la direziun da sanadad dal chantun Turgov, cusseglier guvernativ Thomas Heiniger. Cusseglier guvernativ Heiniger aveva surpiglià l'onn 2012 il presidi da cusseglier guvernativ Carlo Conti (BS).



Cusseglier guvernativ Christian Rathgeb è nov president da SwissDRG SA.